



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectae

Sandini, Antonio

Bambergae, 1753

CCXXXI. Gregorius XIV. Anno Christi 1590. Rodulphi II. 14.

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

Kal. mensis ejusdem moritur, ingres-
sus annum ætatis septuagesimum.
Ea est hujus Pontificis haud minima
laus, quòd affines & consanguineos,
qui accepto nuntio electionis ejus
Romam advolabant, regredi jussit,
& nullâ sanguinis cognatione sibi
conjunctos regimini & officiis præfe-
cit. Cumulavit vitæ laudem præclara
mors. Tantâ enim fuit in morbo con-
stantiâ, ut diem extremum adesse
prospiciens, eum diem salutis appel-
laret, Deoque gratias ageret, quòd
eo tempore vocaretur, quo de gesto
Pontificatu nondum esset rationem
redditurus.

CCXXXI.

GREGORIUS XIV.

ANNO CHRISTI 1590.

RODULPHI II. 14.

Nonis Decembr. pervigilio S. Ni-
colai, post sedatos æstus comi-
tiorum Urbano VII. subrogatus est Spond-
Nicolaus Sfrondratus Mediolanensis, an 1590.
dictusque *Gregorius XIV.* Hic pau §. 21.
corum mensium spatium multa de se
memo-

memoranda præbuit. Sed hæc maximè elucent. Redintegravit Constitutionem Pii V. de non abalienandis aut fiduciariis dandis Romanæ Ecclesiæ terris, (1) abnuîtque permittere Alphonso II. Ferrariæ Duci, qui stirps erat ultima familiæ suæ, ut Principatum ex Atestina familia ab eo transferret. Interdixit Sacro *Capucinorum* Ordini, quò facilius rerum divinarum contemplationi vacarent, ne Sacramentum Pœnitentiæ administrarent. (2) Damnavit sponsiones omnes de vita, morte, electione Summi Pontificis, & creatione Cardinalium. (3) *Concessit usum rubricæ reti Cardinalibus ex Ordinibus Regularium*, (4) qui ad eam diem usi fuerant biretis ejusdem coloris cum veste sua. Catholicæ Fidei studio exercitum misit in Galliam Duce Hercule Sfondrato fratris filio, ut esset Federatis contra Henricum Navarraeorum Regem, qui adhuc in Calviniana hæresi pertinax, Galliæ Regnum adibat jure successionis. Eodem legavit Marsilium Landrianum cum mandatis, ut Ecclesiæ ministri, qui à partibus Henrici stabant, eum relinque-

An. 1591.

§ 2. 4. 5.

9 12. 13.

linquerent intra diem quintumdecimum sub pœna anathematis, itémque ut eum quàm primum desererent Regni proceres alique: *ni parerent, loco paternæ benignitatis sensuri iustitiæ severitatem.* (5) Eodémque tempore Henricum ab Regno exclusit, & Christianorum communione. Obiit Idus Octobr. anno 1591. cùm *mensēs ac dies decem tenuisset Pontificatum, ac vixisset annos septem & quinquaginta.*

ANNOTATIONES.

(1) Constitut. 1. tom. 1. Bullarii pag. 699.

(2) Constitut. 6. ibid. pag. 707.

(3) Constitut. 4. pag. 702. *Multi siquidem cupiditate & metu jacturæ pecuniarum, illicitis modis directè vel indirectè per se vel per alium electiones seu promotiones impedire aut retardare conabantur. Alii eligendorum aut promovendorum honorem, famam & existimationem impiis, falsis ac prorsus iniquis detractionibus aut diffamationibus lædere ac lacerare non erubescunt. Etiam Pius IV. constitut. 63. prohibuerat, super futura electione Pontificis sponsiones, quas Excomissas vocant, fieri.*

(4) Con-

(4) Constitut. 9. tom. 2. Bullarii pag. 710
 (5) Spondanus ad an. 1591. §. 4.

CCXXXII.

INNOCENTIUS IX.

ANNO CHRISTI 1591.

RODULPHI II. 15.

ALtero comitiorum die IV. Novembr. anno 1591. magna Cardinalium consensione Pontifex creatus est *Joannes Antonius Fachinetus Bononiensis*, annum ætatis agens tertium & septuagesimum. Dum Pontificio amictu indueretur, ante omnem Bullam de non alienandis Ecclesiæ bonis confirmavit; eamque sibi præcipuam curam fore professus est, ut annonæ esset in Urbe copia & laxitas, & tenuioris plebis egestati subveniretur. (1) Summâ hic vir integritate, pari in omnibus fere facultatibus eruditione, ætate insuper & usu doctus, Urbem totam erexerat in spem haud vanam egregii Pontificatûs. Sed Pontificem corpore gracilem & jejuniis affectum, multa Catholicæ Ecclesiæ bono mo-

lien-

Spond.

An. 1591.

§. 14.